



Na osnovu člana 6. stav 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj 33/11), ministar za boračka pitanja Kantona Sarajevo **r a s p i s u j e**

JAVNI POZIV
za finansiranje/sufinansiranje programa i projekata
od interesa za boračku populaciju za 2012. godinu

I Pravo učešća po ovom Javnom pozivu imaju:

- Udruženja i fondacije, nevladine i neprofitne organizacije (u daljnjem tekstu: udruženja) koji za sredstva iz Budžeta apliciraju u svrhu finansiranja/sufinansiranja programa i projekata od interesa za boračku populaciju Kantona Sarajevo, te udruženja koja njeguju tekovine odbrambeno-oslobodilačkog rata 1992.-1995. godine i narodno-oslobodilačkog rata 1941.-1945. godine za odgovarajuće projekte, kao i pojedinci pripadnici boračke populacije.

II Udruženja podnose pismene zehťjeve za finansiranje/sufinansiranje iz Budžeta Kantona Sarajevo za realizaciju projekata i programa od interesa za boračku populaciju Kantona Sarajevo ili doprinose razvoju i afirmaciji Kantona Sarajevo i provode se na području Kantona Sarajevo, a iz kojih se vidi ispunjenost kriterija.

Kriteriji za finansiranje/sufinansiranje programa i projekata

Opći kriteriji su:

1. Registracija udruženja na bilo kojem nivou vlasti u Bosni i Hercegovini;
2. Realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona;
3. Ekonomska ili društvena opravdanost projekta koje udruženje predlaže i sprovodi;
4. Program rada za 2012. godinu sa obrazloženjem;
5. Finansijski plan za 2012. godinu;
6. Izvještaj o urednom finansijskom poslovanju (bilans stanja, bilans uspjeha i narativni izvještaj za 2011. godinu);
7. Finansijski izvještaj o utrošku sredstava za projekte odobrene u 2011. godini;
8. Organiziranost i broj članova udruženja;
9. Broj lica koja učestvuju u realizaciji projekata;
10. Specifičnost potreba članova udruženja, odnosno populacije koju zastupaju;
11. Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

Posebni kriteriji su:

1. Programi resocijalizacije i integracije boračke populacije u društvenu sredinu (dodatna edukacija, rehabilitacija i prekvalifikacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala),





2. Projekti očuvanja i njegovanja tradicije oslobodilačkog rata, tradicionalnost, ugled i interes javnosti (npr. obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" i Odluci o utvrđivanju "Kalendara za obilježavanje značajnih događaja, datuma i ličnosti iz perioda narodnooslobodilačkog rata 1941.-1945. godine na području Kantona Sarajevo"),
3. Projekti humanitarnog karaktera sa ciljem pomoći socijalno najugroženijim pripadnicima boračke populacije,
4. Saradnja udruženja sa državnim organima na svim nivoima,
5. Programi odgojnodruštvenog značaja,
6. Masovnost članstva i razvojna funkcija,
7. Programi koji podstiču razvoj društva i vjersku toleranciju,
8. Programi sportsko-rekreativnog i rehabilitacionog karaktera,
9. Aktivnosti i uključivanje što većeg broja lica sa invaliditetom u rad udruženja,
10. Sportske manifestacije i memorijalni turniri u organizaciji boračkih udruženja,
11. Programi pomoći u liječenju, stambenom zbrinjavanju i rehabilitaciji,
12. Programi pružanja besplatne pravne pomoći boračkoj populaciji,
13. Rješavanje problematike boračke populacije,
14. Pomoći za liječenje i zdravstveno i socijalno zbrinjavanje,
15. Podrška projektima pisana riječ „da se ne zaboravi i ne ponovi“,
16. Aktivnost i uključivanje što većeg broja pripadnika RVI, logoraša, žrtava torture i nacionalnih manjina u rad udruženja i
17. u drugim opravdanim slučajevima.

III Dokumentacija koja se treba dostaviti uz zahtjev:

1. Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
2. Rješenje o registraciji;
3. Uvjerenje o poreskoj registraciji – identifikacioni broj;
4. Uvjerenje o izmirenim poreskim obavezama;
5. Uvjerenje o izmirenim porezima i doprinosima za zaposlenike (ukoliko ima zaposlenika); Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje.
6. Bilans stanja i bilans uspjeha za 2011. godinu ovjereni od strane nadležne ustanove i narativni finansijski izvještaj za 2011. godinu;
7. Izvještaj o utrošku sredstava za projekte odobrene u prethodnoj godini;
8. Finansijski plan za 2012. godinu;
9. Osim prethodno navedene dokumentacije potrebno je dostaviti dokaz o ispunjavanju ostalih općih kriterija tj. dokaz o organiziranosti i broju članova udruženja, broj lica koja učestvuju u realizaciji projekta, specifičnost potreba članova udruženja, rezultati i uspjesi na svim nivoima i broj korisnika obuhvaćenih projektom.

IV Dodjela sredstava pojedincima pripadnicima boračke populacije u cilju realizacije projekata:

1. ukoliko svojim angažmanom, po određenom projektu, doprinose razvoju i afirmaciji boračke populacije Kantona (npr. podrška štampanja knjiga i druge literature vezano za tekovine odbrambeno-oslobodilačkog rata, organizovanje izložbe i dr.);





2. podrška sportskim aktivnostima ratnih vojnih invalida;

Uz pismeni zahtjev dostaviti dokumentaciju o ispunjavanju slijedećih kriterija:

1. Kopiju lične karte i CIPSOV-e prijave prebivališta;
2. Broj i datum dostavljanja Izvještaja o namjenskom utrošku ranije dodjeljenih sredstava (dostaviti kopiju dokaza);
3. Obrazloženje projekta (cilj i način realizacije);
4. Rezultati rada ostvareni u prethodnom periodu (iste navesti i dokumentovati);
5. Uspješnost ranije realizovanih projekta koji su finansirani/sufinansirani od drugih institucija (iste navesti i dokumentovati);
6. Dokaz o pripadnosti boračkoj populaciji;
7. Nivo na kojem se sportske aktivnosti odnosno takmičenja odvijaju;
8. Materijalni položaj sportiste pojedinca (Ovjerena izjava o eventualnim sponzorskim ugovorima i drugim vidovima ostvarenih pomoći).

V Korisnici sredstava koji nisu dostavili narativni i finansijski izvještaj o utrošku sredstava sa odgovarajućom dokumentacijom za programe i projekte realizovane u prethodnom periodu a koji su finansirani/sufinansirani iz Budžeta Kantona Sarajevo, razdjel Ministarstvo za boračka pitanja, ne mogu biti prihvaćeni za finansiranje/sufinansiranje programa i projekata za 2012. godinu.

VI Projekte treba obrazložiti u skladu sa podacima sadržanim u Obrascu za prijavu projekata za finansiranje/sufinansiranje iz Budžeta Kantona Sarajevo (OBR.7.3-02-01/01), koji se može naći na protokolu i web stranici Kantona Sarajevo.

VII Visinu sredstava za raspodjelu po ovom Javnom pozivu utvrđuje resorno ministarstvo na osnovu usvojenog Budžeta Kantona Sarajevo za 2012. godinu.

VIII Proceduru odobravanja sredstava po ovom Javnom pozivu provodi komisija koju imenuje ministar. Uzimajući u obzir opravdanost zahtjeva, kvalitet ponuđenog programa i projekata, kao i ostale navedene kriterije (na osnovu dostavljene dokumentacije), te mogućnosti finansiranja/sufinansiranja u odnosu na odobrena budžetska sredstva za ove namjene, komisija će sačiniti prijedlog liste projekata za finansiranje/sufinansiranje programa i projekata sa prijedlogom visine iznosa.

IX Sredstva odobrena po osnovu ovog Javnog poziva se moraju iskoristiti za realizaciju kandidovanog projekta, pri čemu se korisnik sredstava mora pridržavati važećih zakonskih propisa.

X Za neke projekte Odlukom ministra će se utvrditi finansiranje/sufinansiranje u tranšama. Svi aplikanti kojima sredstva po ovom Javnom pozivu budu odobrena na ovaj način, obavezni su dostaviti izvještaj sa odgovarajućom dokumentacijom o namjenskom utrošku sredstava nakon svake tranše, što je uslov za doznačavanje naredne tranše.

Za projekte za koje se Odlukom Ministra utvrdi jednokratno sufinansiranje, rok za dostavu izvještaja o namjenskom utrošku sredstava sa odgovarajućom dokumentacijom je 15 dana od dana okončanja projekta.





XI Rok za podnošenje prijava po ovom Javnom pozivu je 21 dan od dana objavljivanja. U opravdanim slučajevima, uz saglasnost ministra, u razmatranje mogu ući i zahtjevi koji se predaju van roka konkursa.

XII Zahtjeve sa potrebnom dokumentacijom dostaviti na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br. 1, 71000 Sarajevo putem pošte ili ličnim podnošenjem u šalter sali Kantona Sarajevo. Dodatne informacije se mogu dobiti na telefon 033 562 273.

XIII Nepotpune i neblagovremene prijave neće se uzimati u razmatranje.

Broj: 06-14-9080/12
Sarajevo, 30.03.2012.godine

MINISTAR

Doc. dr. Nedžad Ajnadžić

